



# ՌԻՍԻՔԵՆ ՍՆԱԿ

## Մարդերգություն

ԳՅՈՒՂԱԿԱՆ ԵԿԵՂԵՑԻԻՆ ՄԵՁ

(Ծնունդը)

Ա

Անցյալ տարի էր: Հոգնած ապաքեն  
Շատ քաղաքակիրթ այս Արևմուտքեն՝  
Ուր խիղճը բառ մ'է, մարդը՝ մեքենա,  
Աշխարհ գործարան մ'անխոնջ, անխրնա,  
Մերը հաշիվ մ'է. կրոնքը՝ դրամ.  
Երջանկությունը՝ ձանձրալի մի տռամ.  
Մահն՝ անմտություն. կյանքն՝ անհաշտ կռիվ.  
Ուր ժամանակն իսկ վատ մ'է արեխոիվ  
Որ ամեն բոպեն իր մանրակրկիտ  
Մուրճի հարվածով կը զարնե մտքիդ...  
Այսպե՛ս, հև ի հև՛, հոգնա՛ծ, հուսահա՛տ,  
Անմի՛տ այս վագրեն անդո՛ւլ, անընդհա՛տ,  
Կարոտն ունեցա հին հին դարերու.  
Եվ հիվանդ հոգիս տարի ես հեռո՛ւ,  
Հեռո՛ւ, խնկավետ, լո՛ւտ, մշտնջենի՛,  
Արևելքի իմ գյուղըս հայրենի...

Բ

Կիրակի մըն էր, քայլերս ուղղեցի  
Իմ ալևոր մորս հետ եկեղեցի:  
\_ Պիտի ծիծաղի՞ք, կարծրացած սրտեր,

Կարդացիք Լյուբրես, Էպիկուր, Վուլթեր,  
Մի քանի ուրիշ մութ գիրքեր ալ դեռ,  
Բայց անհավաստի այդ տժգույն թուղթեր  
Իրավունք չեն տար որ անբարտավան  
Ձեր թույնը փչեք՝ կըրոնադավան  
Հոգվույն ալևոր մոր մը ծերունի,  
Որ ապրելու դեռ հագիվ օր մ'ունի,  
Որ ծովուն վրա շյուղի մը նման,  
Մեկ ոտքը մատուռ, մյուսը՝ գերեզման,  
Գերագույն, անհաս, անսկիզբ, բարի,  
Մթին Աստուծո մ'անվան կը փարի.  
Ու անիրավվա՛ծ, տառապա՛ծ, հուսա,  
Մեծ Արդարության վճռին կը հուսա...  
Գ

Ու դո՛ւք, ո՛վ Հորաս, Ջենոն ու Վուլթեր,  
Ինչ որ ալ ըլլաք՝ երեկինն եք դեռ.  
Մինչ հիսուն հազար այս տարի է որ  
Անդու կը դառնա աշխարհն ալևոր՝  
Հավատացեր են մարդերը բոլոր:  
- Բաբե՛, հակառակ հավատքիս մոլոր,  
Ծաղրել չի գիտցա՛վ բնավ ինձ հոգին  
Տաճա՛ր մ'ըլլա այն, հեթանոս բագին,  
Քար-քար ավերակ սյուներ Քառնաքին,  
Հըրապաշտ Պարսիկ բըլուր բոցագին,  
Բոցը Սիպիլի, Հնդիկ Էլլորան,  
Ասորյան հարյուր-գոհյան մին խորան,  
Կամ Քրիստոնյա պերճ եկեղեցին...  
Հոն մարդերը Մեծ-Հույսը դարբնեցին...  
Ու հոն գլխարկնիդ բացեք՝ վեհերուն  
Գերեզմաննոցն է կենդանիներուն...  
Դ

Եկեղեցվույն մեջ մտա լոնլայն:  
Շենքը փոքրիկ էր, բայց բավական լա՛յն՝

Աստվածն ու դարե՛րը ամփոփելու...  
Քար քարի վրա. ծներ էր, հրլո՛ւ,  
Առանց արվեստի, առանց մեծ ոճի,  
Պարզ, ինչպես ծառ մը որ հողեն կ'աճի,  
Ու քար, ու բազմոց, ու կերոն, ու խաչ,  
Հոն, հին դարերու բույրն ունեին գաղջ...  
Ու առաստաղի աղքատ ջահերեն  
Կախված՝ ժամանակը մեռելորեն  
Կը ննջեր անշա՛րժ, դարե՛ր քնեած,  
Քշոցին ձայնեն երբեմն շոյված..  
Հոն ո՛չ հեք, ո՛չ վագք, ո՛չ ժամ, ո՛չ վայրկյան,  
Անսահմա՛ն, անխոռ՛վ, անծա՛լ, հավիտյա՛ն:  
Չորս պատերու մեջ՝ Անհո՛ւն մը խորին,  
Ուր մեր գեղջուկներ մեռնի՛լ կը սորվին...

Ե

Բայց բացառիկ տոն մ'էր այդ կիրակին.  
Կնո՛ւնքն էր ջոջի նորեկ որդյակին,  
Ինչ որ գյուղին նույնքան է կարևոր,  
Որքան Ծնունդի տոնը դարավոր  
Նագարեթի հին քաղաքացիին:  
Ուստի ծեր, մանուկ, հավաքված էին:  
Ու քահանան այդ մե՛ծ օրվան համար,  
Պատրաստեր էր փոքր քարոզ մը հարմար:  
Պերճ խոսքի տաղանդ չուներ բնածին,  
Բայց գայն ընտրեր էր Հովիվ՝ գյուղացին,  
Ջի հասակով բարձր էր, վարքով արդար,  
Հայերեն գիտեր, նույնիսկ կը կարդար,  
Կյանքի պայքարեն հոգնած հյուսն մը հեզ,  
Կույս Մարիամին կո՛ւյս նշանածին պես  
Այնքան վայլեր էր մորուքն ու շուրջառ,  
Որ կարծես ան այնպես ծնած ըլլար...

Չ

Չույզ կերոնի մեջ՝ կը խոսեր բեմեն,

Ու կ'ունկնդրեին գեղջուկներն ամեն,  
Խո՛ր երանությամբ սուզվա՛ծ անհրնար.  
Թեև հայերեն մա՛րդ չի հասկնար  
չին Աճեցարութն առած բնաբան,  
Կը գտներ Տեր-Հայրը շատ բնական  
Որ տղերք աշխարհ գան անհամար լուրջ  
Ինչպես բյուր շյուղեր ձիթենիին շուրջ:  
Հանկարծ շլացին աչքերս քննա՛ծ,  
Նաբուլեոնին անունն էր տված:  
Նաբուլեոն... ի՞նչ քառս անհատակ՝  
Աշխարհքեն քշված այդ մատուռին տակ,  
Չէ՞ որ ըսեր է այդ մարդն ահագին,  
«Մայրե՛ր, գավակնե՛ր շինեցեք ազգին...»:  
- Ա՛խ, գո՛րք էր պետք այդ ամբարտավանին՝  
Որ թնդանոթներ գյուղե գյուղ տանին...

Է

Պատարագեն վերջ, քով քովի անձայն,  
Երկու թափորներ իրար քավեցան:  
Ան չէր դասական հանդիպումը հին՝  
Կնունքի թափորն՝ Մահվան թափորին.  
Մեկ կողմ ծնո՛ւնդ, խի՛նդ, մյուս կողմ մա՛հ ու լալ.  
Ու եկեղեցին կ'օրհնե երկո՛ւքն ալ...  
Ո՛չ: Երկու թափոր, երկո՛ւքն ալ ժպտուն .  
Մե՛կը նորածին որդին մեծատուն,  
Մյո՛ւսը աղքատի ծնունդը անտուն.  
Մե՛կը բեհեզով քնած, մյուսն արթուն.  
Մեկուն ժանյակներ, մետաքսի հյուսկեն,  
Մյուսին ձորձ մը խեղճ՝ հորը շապիկեն.  
Առաջնայն ոսկի, ժանյակ բյուր տեսակ,  
Երկրորդին ճակտին փուշի սև պսակ.  
Մեկը Տե՛ր արդեն, մյուսը գրա՛ստ:  
Ճակատագի՛ր, վա՛խ, տղաքները փաս . . . .

Ը

Բայց այս ի՛նչ արդար օրենք մ'է խորին  
Որ հղիացա՛ծ, ճո՛խ Մեծերը երկրին  
Իրե՛նց արգանդին մեջ կը հարվածե:  
Հավասարության խո՛ւլ պետք մ'է գուցե,  
Որ վրիժաժընունդ սերմերը Մեծին  
Ի՛ր որովայնին իսկ գո՛գը հյուծին,  
Որ հաշիվներե վերջ, երբ ի հարկե  
Ոսկին ա՛լ պատրաստ է, հա՛յրը գրկե,  
Խանձարուրներու մեջ մետաքս գեղերփ,  
Անժպի՛տ, տժգո՛ւյն հրեշ մը մարդակերպ...  
Մինչ քանի՛ թշվառ խեղճեր է՛գ, արո՛ւ,  
Որ հեղակարծ սեր մ՛ունին իրարու,  
Կայծակներու պես իրարու կուգան,  
Առանց հաշվելու վաղն ու ապագան,  
Ու կ՛ երկնեն խորշի մը մեջ անձանոթ  
Ի՛նչ հսկա կյանքեր, անեծքի անոթ...  
Թ

Ապշա՛ծ, սարսափած խորհեցա անխոս,  
Մպարթական հի՛ն բարքին բարբարոս,  
Որ խեղդելե վերջ կը հանձներ գետին  
Մարդկային տժգույն տգրուկներն հետին...  
Բայց քառսուն դարեր անցեր են արդեն,  
Ու սովրեցանք որ հրեշներն ալ մարդ են.  
Անոնք ալ ունին զգացո՛ւմ, հոգի՛,  
Անո՛նք ալ ունին իրավունք կյանքի,  
Հոգ չէ թե ապրին բյուրերու մահով.  
Օրենքը՝ իրենց վահան ապահով...  
Չե՛մ համարձակիր վերցնել մեկդի,  
Կարմիր վարագույրն որ օրենք կ՛ըսվի,  
Դիտելու ըմբոստ այն կյանքե՛րն հսկա,  
Որ բանտերու մեջ, կառափնատի վրա,  
Կախադաններո՛վ մեռան անհամար,  
«Կյանքի իրավո՛ւնք»... պողպատն համար:

Ժ

Երկուքն ալ երկա՛ր, երկա՛ր դիտեցի:  
Այլևս բնա՛վ մի խոսիք ինձի  
Արժանիքին վրա, ու տարբերության,  
Ու ազնվական գարմին վրա արյան:  
Ահա երկուքն ալ. անկերպ բզեզներ.  
Շյուղ մը իսկ գիրենք պիտի մեռցնեք:  
Կ'ուզեն անուն տալ. ի՞նչ պետք անունի...  
Յուրաքանչյուրն ալ իր անունն ունի.  
Մին Ո՛ւյժն է անգութ, մյուսն Ստրկությո՛ւն:  
Ույժ չունի, կ'ըսեք, խլեզն անարյուն.  
Ի՛նչ պետք արյունի — անհագ բորենի՛,  
Հացի մը փոխան, կարմիր, ծիրանի,  
Ան պիտի ծրծե արյունը մյուսին,  
Ու պիտի մըխե ժանիքն իր միսին.  
- Օրե՛նքը՝ իրեն անբույժ օթևան:  
Ողջունեցեք գայն, Իշխանն է վաղվան...

ԺԱ

Ծնրադրած դողդոջ, աչքերըս ձեռքիս,  
Կուրծքիս տակ գսպել կ'ուզեի հոգիս:  
Հագա՛ր նկարներ կ'անցնեին մտքես:  
Արյան շոգվույն պես, նոճիներու պես  
Բյո՛ւր կախադաններ անգութ մեծերու...  
Ու հրդեհներու մեջ հեռվե հեռու,  
Ստրուկներու կո՛ւտ, բարբարո՛ս գունտեր,  
Որ տաճա՛ր, աստվա՛ծ, կո՛ւտք, իշխա՛ն ու տե՛ր,  
Տապալելով վար, կ'երթային հեռո՛ւ  
Հավասարության սե՛րնը ցանելու,  
Ու լա՛յն բաշխելու Արդարությո՛ւն, Հա՛ց...  
Այտիս վրա հրաշեկ արցունք մը դողաց.  
Աչքերըս բացի, տեսիլք էր միայն.  
Ամենքն ալ գացա՛ծ, ժամն էր լռելյայն...

Ու ես ալ գացի՝ իմ սուգիս դարման՝  
Հավասարության դաշտը գերեզման...

## ԳՅՈՒՂԱԿԱՆ ՃԱՄԲՈՒՆ ՎՐԱ

(Կյանքը)

Ա

Եկեղեցիեն մինչև գերեզման  
Տանող ճամբուն վրա, քարի մը վրան,  
Նստեցա տրտում, ու լո՛ւտ դիտեցի  
Հոգվույս ծարավովը արևելքցի  
Հեռուներն հանդարտ, հեռուները լա՛յն,  
Հեռուները ջի՛նջ, միսթի՛ք, լռելյա՛յն:  
Հո՛ն երկինքներու տակ հավետ ծավի՛ր.  
Առանց ժպիտի ու առա՛նց ցավի,  
Կ'ապրեին մարդե՛ր, մրջյուննե՛ր, բույսե՛ր...  
Հոն չէին ճանչնար ո՛չ կոիվ, ո՛չ սեր:  
Հոն Անշարժության օրենքին հըլու,  
Առանց աճելու, առանց նվաղելու,  
Հազար դարերու ու անհուններու  
Մտերմության մեջ կ'ապրեին, հեռո՛ւ  
Սե՛գ Արևմուտքեն ու հեզնելով գայն...  
Հեռուները ջի՛նջ, միսթի՛ք, լռելյա՛յն...

Բ

Ու հո՛ն, անուրջի մը մեջ անսահման,  
Երկիրը իբրև անհո՛ւն խնկաման,  
Իր ձանձրույթը լայն աղոթքի մը պես  
Անշտա՛պ, անխոռ՛վ կը մխար կարծես...  
Ու հո՛ն, հեռավոր հորիզոններու  
Անծալ երկինքնե՛րը հեռվե հեռու,  
Կը տեղային վար՝ օրհնության մը պես՝  
Ոսկեփոշի լայն անձրև մը կարծես...  
Ու հոն արևուն գունտին մեջ անշեջ,  
Ու ծածա՛ն-ծածա՛ն ցորեններուն մեջ,

Ու խրճիթներու բույնին մեջ համակ,  
Ավերակներու սուգին մեջ ճերմակ,  
Բան մը կար Կյանքեն անշատ, Կյանքեն վե՛ր,  
Բա՛ն մը որ Կյանքեն բնա՛վ չէր ազդվեր,  
Որ կը նմաներ Երեկին, Վաղվան...  
Այդ՝ Մահվա՛ն իսկ մեջ ժխտումն էր Մահվան...

Գ

Ասոր համար երբ միտքն Արևնուտքին՝  
Կյանք բառին առջևը զարմացագին  
Հարցական նըշան մը կը դնե նենգ...  
Մենք կախման երեք կետեր կը դնենք...  
Ու երբ կվազեն անոնք տենդագին,  
Թըվանշաններով կը լուծեն հոգին,  
Կը քննեն Երկինքն ու Աստվածը, մենք  
Մեր կախման երեք կետը կ'երազենք...  
Ու երբ կը խրոխտան անոնք, մենք կուլանք,  
Ա՛խ, որովհետև ինչ որ ալ ըլլանք,  
Գլուխնիս երկինք, ոտքերնուս տակ հող,  
Այգին ու ցայգին միջև տատանող  
Օրորոցներ ենք... Ու ինչ որ անշե՛ջ  
Է, պիտի շիջի շիրմին մութին մեջ...  
Լացը վերհիշում մըն է լռելյայն,  
Թե ինչ ալ ըլլանք, մարդեր ենք միա՛յն...

Դ

Այսպես ապրեցան, ու այսպես կ'ապրին  
Բոլո՛ր որդիները Արևելքին:  
Խունկի, կնդրուկի՛ ծոցը լռակյաց,  
Իրենց հոգիին անձանոթ մընաց  
Պոռոտ գիտությանց շեփորը սոփեստ,  
Ու սուս փառքերու ծածկույթն հաստաբեստ...  
Անոնք ստացան, առա՛նց ուզելու...  
Ու Կյանքեն անցան՝ առանց հուզելու  
Անոր մութ հատակը աչքե անտես,



Ծովուն վրա սահող լո՛ւտ թևճակին պես...

Անոնք գինովցան, առանց քննելու...

Ու լացի՛ն՝ սրտի պետքի մը հլո՛ւ . . .

սո Անոնք խոկացին Եդեմն. ու ծնան

Անէության մեծ հսկան Նիրվանան,

Ու երագատես Նագովրեցին հեզ...

Ու երկունքը հեշտ էր Մահվան մը պես...

Ե

Անոնք նայեցան հեռվե՛ն՝ մարդկային

Հառաչադիմության կուռ մերենային,

Ինչպես անտառին ծո՛ցը ամայի,

Ծերունի եղնիկն հանդա՛րտ կը նայի

Տքացո՛ղ, շաչո՛ղ սև շոգեկառքին՝

Լայն «Ինչո՞ւ համար» մը զարմացագին

Թարթելով աչքին մեջ երագահալ...

Ինչո՞ւ շտապիլ. չէ՞ որ ամե՛նքս ալ,

Ոմանք և ի հև, ու ոմանք դանդաղ,

Անվրի՛ պորեն պիտի հասնեինք Մահ...

Կյանքն է այս, միշտ սուտ սուտի ետևե.

Մեկը հագի՛վ թե մյուսին չափ տևե...

Շառաչող ծովուն ալիքներուն պես,

Կը ծնինք ամենքս, կը բարձրանանք վես,

Բայց հագի՛վ ատեն մը կա փրփրելո՛ւ...

Պետք է կորսվիլ. կորսըվի՛նք հլո՛ւ...

Զ

Ու այսպե՛ս պիտի կորչի ամեն բան...

Ժայռին վրա նստած՝ դիտեցի ճամբան,

Դեղին Փոշիի հուսահատ ճամբան,

Խո՛ւլ «երեկ»-ներու պատմի՛չը անբան...

Ա՛խ, այդ գալարվո՛ղ, չի հատնո՛ղ, խոպա՛ն,

Արևուն ծագեն ի մուտքն՝ անխափա՛ն

Երկարող վտի՛տ, բարեկամ ճամբան,

Ծընող Մարդկության առաջին օրրա՛ն,

Որուն ապալեր իրանին վրբան,  
Հիմալայայի սարեն մինչ Իրան,  
Ու Արարատեն մինչև Վոսփորոս,  
Մինչև Դանուբի ակերն մշտահո՛ւ.  
Ու մինչև շորս ծագը Արևմտյան,  
Գացին առաջին հայերն Մարդկության,  
Այրող Արևուն գունտին տակ, խաղա՛ղ,  
Ճռացրնելով կառքերնին դանդա՛ղ..

Է

Առաջին անգամ ըլլալով հառա՛չ  
Մը արձակեցի այդ ճամբուն առաջ...  
Մոսկացի՛ իրմեն. ու ափ մը փոշի  
Առի, մարդու մը նըման որ կ'ապշի...  
Բայց ի՛նչ կիկլոպներ, իբրև թե անշեջ  
Ի՛նչ ազգեր, կյանքե՛ր այդ փոշիին մեջ:  
Ի՛նչ արյան լիճեր, քանի՛ ոսկորներ  
Դարերու մեջ հոն փոշի են դարձեր...  
Դիտեցի ուշով. զի՛ս ճանչցա հոն շուտ.  
Նախ քարայրներու բնակիչ մագուստ,  
Հետո ասպագեն նետաձիգ մը սեգ,  
Հետո թագավոր մը եթե կ'ուզեք,  
Հետո ածիլված գլխով մեկ գերի,  
Հետո թրուպատոր մ'որ կը դեգերի...  
Ու հիմա տժգույն խե՛ղճ մը դող ի դող,  
Ո՛չ մարդ, ո՛չ աստված, ու ո՛չ իսկ քերթող...

Ը

Հոն ճանչցա նաև ծեր Սողոմոնին  
Հալվե բեռքոված կարավաններն հին...  
Գանգեսեն բույրի, թանկագին քարի,  
Ու Կարմիր ծովեն ալ ամեն տարի  
Ուղտերով կրված պերճանքները բուստ,  
Դամասկի մետաքս բեհեզն ալ հագուստ,  
Արքաներու ձոն՝ Քլեոբարային...

Ու վերապրեցա հոն եղենային  
Ու գինովընող հրրաշքը չքնաղ  
Շաքիրամին պերճ պարտեզին առկախ...  
Հո՛ն. այդ փոշիին մեջ խոսեցուցի  
Տարաբախտ Անդուանն Հռովմայեցի  
Որ Վահանն իրեն ծախեց Տոփանքին...  
Հո՛ն, խոսեցուցի նաև տխրագին  
Ժողովուրդներ որ մեռա՛ն անհամար:  
Չեն գիտեր, ո՛ր մեկ Արքային համար...  
Թ

. . . Հանկարծ ծանր՛ր թև մը զարկավ ուսիս:  
Հին երագներեն արթնցավ հոգիս.  
Ու տեսավ տարեց մշակ մը տժգույն:  
«Ո՞վ ես դուն»: «Անունս է Աշխատություն...»:  
«Ի՞նչ կ'ընես այսպես»: «Կը մտրամ...» հեծծեց.  
Ու լո՛ւտ հեռացավ, մինչ ես դառնահեծ  
Գացի հետևեն մինչև իրեն տուն...  
Գետնի անկողնի մը վըրա, արթո՛ւն  
Երկարած նիհա՛ր իր կինն հոգեվար,  
Ծեծված անասնի մը պես կը հևար...  
Ու մինչ գնաց հինգ խլեզներին մին,  
Աթոռի մը պես բա՛ն մը ճարելու հին,  
«Հաց չի կա, կ'ըսեր հայրիկը ինձի,  
Մի քանի օր է չեն երթար գործի,  
Կը տեսնես, վերջին օրերն են գուցե...  
Առանց ինձ, աչքերն ո՞վ պիտի գոցե...»

Ժ  
Ու կինը բարի կը նայեր իրեն,  
Ինչպես կը նայի մարդ անասնորե՛ն  
Իրեն Աստծուն... Ախ, որովհետև  
Իր կենակցության ժամը կարճատև  
Միրալի՛ր եղավ, կոհիվ չունեցան  
Ոչ դրամ օժիտի, ոչ ժառանգության...

Ժըրաջան տիկին, միշտ իր հարկին տակ.. .  
Թանը առատ էր, անկողինը տաք...  
Ու քիչ օրեն երբ Տիրոջ հրամանով,  
Հողին տակ պիտի թաղվե՛ր ապահով,  
Կը խրատեր էրկան՝ առնել գյուղակին  
Այսինչ ժրաջան աղջիկն իբրև կին,  
Որովհետև խեղճ կինը կը հուսար  
Թե ան կը նայեր աչքով հավասար  
Թե՛ իր ամուսնույն, թե՛ իր խորթերուն  
Եվ թե՛ գոմի իր փոքրիկ հորթերուն.. .  
ԺԱ

Դուրս ելա տունեն, մարմինս փուշ-փուշ.  
Խորհեցա կյանքին իմաստին ապո՛ւշ,  
Թե ինչպե՛ս ստրուկ կիրքերու հըլո՛ւ,  
Մարդս ավելի՛ վարժ է մուրալու,  
Քան պապենական օրհնած դանակով,  
Քի՛չ մը վախցնել գոնե՛ կատակով  
Մեր ոսկեճույլ նո՛ր Աստվածները կո՛վ...  
Խորհեցա թե Դրամ միապետին քով՝  
Ի՛նչ տժգույն ըմբիշ մ'է Աշխատություն...  
Խորհեցա անգամ մըն ալ անարյուն  
Այն բո՛ւտ մը «Նորին Վսեմությանց» վըրա՝  
Որոնց շնորհիվ երկիր կը դառնա...  
Խորհեցա Ույժին վրա մըտովի,  
Ու այն հտպիտին որ օրենք կ'ըսվի...  
Ու գացի ես լուռ, իմ սուգիս դարմա՛ն,  
Հավասարության դաշտը Գերեզմա՛ն...

ԳՅՈՒՂԱԿԱՆ ԳԵՐԵԶՄԱՆԱՏԱՆ ՄԵԶ  
(Մահը)

Ա  
Սկեպտիկ ժպիտով մը դանդաղագին  
Երբ մարդ ընպած է մրո՛ւրը Կյանքին,

Երբ ծառայած է կամքով կորովի՝  
Այն մեծ վարպետին որ Վիշտ կը կոչվի.  
Ճանչցած է դողդոջ դշխույն որ Սերն է.  
Ազգաց, անհատին Պատմության դժնե  
Նայած է անգամ մը մյուս երեսին,  
Ճանչցած է մարդուն Գիտությունը սին,  
Արվեստն հավակնոտ, սիրտն ամբարտավան,  
Սո՛ւզը Երեկին, երկյո՛ւղը Վաղվան...

Ու ճշմարտության հոգին ծարավի՛  
Զննած է երկնից պարպը ծավի.  
Հի՛ն աստվածներու վիհն այն մշտակա,  
Այդ մարդուն համար ուրիշ վայր չի կա՛  
Ավելի՛ քաղցրիկ հեշտանքով հրդի,  
Քան գերեզմաննոց մ'աղքատիկ գյուղի...

Բ  
Լո՛ւտ նստած քարի մը վրբա տապան,  
Դիտեցի լո՛ի՛ն այդ վայրը խոպան,  
Ու գո՛ւր խորհեցա թե այս այն վայրն է  
Ուր վաճառական Աստված մը դժնե  
Չարը կը պատժե անսահման վախով,  
Բարվոյն շնորհելով դրախտ մ'ապահով...

Ընկղմած ծոցն այդ Մահվան Քաղաքին,  
Զուր խորհեցա թե անմա՛հ էր հոգին...  
Անմա՛հ, բայց չէ՞ որ երկնից մեջ գարնան  
Բյուր գիսավորներ մոխիր կը դառնան.

Աստղեր կը վառին, աստղեր կը սառչին.  
Կը լոն ցայգին պլպուլը վերջին,  
Բույս ու կենդանի կ'իյնան անկենդան.

Ամեն, ամեն բան մահվան գոհ կ'երթան...  
Ու երկնքին հյուր՝ լոկ մա՛րդն է տըխուր...  
Անմա՛հ, մինչև ե՞րբ, և ինչպե՞ս, և ո՞ւր...

Գ  
Բայց ուսկե՞ կուգա՛ այն Հույսը մարդուն,

Որ մեծ ցայգին մեջ միայնա՛կ, արթուն  
Կ'ուզե հսկել՝ երբ իր ոսկորոտին  
Երկու ափ հողին ներքև կ'անհետին:  
Ու ինչպես դիակը փտելե վերջ,  
Մարդ համառորե՛ն, Մահվա՛ն ծոցին մեջ,  
Անմահության Հո՛ւյս մըն է դիուցեր...  
Անշո՛ւշտ սարերու երբ եղնիկը ծեր  
Կը նայի անդունդն ի վար անհատակ...  
Երբ գայլը փոքրիկ՝ մացառներու տակ՝  
Կը դիտե մա՛հն իր գնդակահար հոր...  
Երբ օվկիանին վրա անդնդախոր՝  
Շնագայլն հսկա՛ կը թավալի լո՛ւտ...  
Վերջալույսին դեմ Առյուծը տխուր՝  
Երբ կը մոնչե դաշտին մեջ խոպան...  
Անմահության՛ վրա չէ՛ որ կը խոկան...

Դ

Նո՛ւյնիսկ Մարդուն մո՛րթ նախահայրն Ադամ,  
Անգե՛ն, անպաշտպա՛ն այդ խեղճն հաշմանդամ,  
Նետված ուժերո՛ւ միջև ահագին,  
Շա՛տ քիչ հաշիվի կ'առներ իր հոգին,  
Երբ պտուղի՛ մը համար, անվեհե՛ր,  
Անմահութենեն կը հրաժարեր...  
Բայց ահա անբա՛վ միջոց մ'է անցեր.  
Հիսուն ծանրածանր դարով՝ Մարդը ծե՛ր,  
Որ իր ուղեղին դրդումին հըլու,  
Հասեր է ամե՛ն ինչ գըրավելու,  
Ստրուկներ գտեր է անասնոց մեջ,  
Մնացածը զարկեր, հալածեր անվե՛րջ,  
Աստվածնե՛ր շիներ է նախ անհամար,  
Հետո ամե՛նքն ալ այրելու համար..  
Տիրե՛ր է Բնության Ույժին ահագին,  
Կը տենչա իշխել արդ ժամանակին...

Ե

Ա՛խ, անմա՛հ ըլլալ... Ապրի՛լ հավիտյան.  
Իսպա՛ն չունենալ ո՛չ դար, ո՛չ վայրկյան.  
Ժամանակի՛ն պես, ժամանակին մեջ,  
Տքա՛լ, տատապի՛լ, բայց ապրի՛լ անվերջ...  
Միրտը արյունոտ, մարմինը հիվանդ,  
Հոգնաբե՛կ, ի՛նչ փոյթ, ապրիլ մանավանդ...  
Շյուղ մ'ըլլալ մարգի, ի՛ր մը լռելյայն,  
Բայց հավիտենին մեջ ապրի՛լ միայն...  
Քար մ'ըլլալ անարգ, ապառաժ մ'անխոս,  
Գեթ նիհար առվակ մ'ըլլալ մշտահոս,  
Ծա՛ն մը դարավոր, մետա՛ղ մը միայն  
Անմի՛տ, անզգա՛. չի մեռնի՛լ սակայն...  
Աստվածացյալդ Մա՛րդ, ամո՛թ քեզ, ամո՛թ,  
Մութ, անբարտավան, խրոխտությանց անո՛թ,  
Դեռ ամեն՛ն գինով կը կառչիս հողին...  
Նայեիր աշնան տերևին դեղին...

Զ

Ու երբ ըսեն թե գիտությունը նոր  
Այրեց հի՛ն, փռո՛ւտ գիրքերը բոլոր,  
Թե՛ Նյութ կա միայն, Հոգին չէ՛ անմահ,  
Հոգին չի կա իսկ. Մի հավատաք, ա՛հ,  
Վճիտ մոմյաներն հին Եգիպտոսին,  
Դարերու գաղտնի՛քը թող ձեզի խոսին...  
Նայվածք մ'ուղղեցեք դեպի Պարթենոն,  
Նոր Անմահնե՛րն են որ կը խրոխտան հոն:  
Ու է՛ն չոր գիտունն իսկ՝ կրոնքին օտար՝  
Քարե արձանի մը հոգին կուտար...  
Ա՛խ, կյանքի, մահվան կռիվն անզգամ...  
Ու անշուշտ՝ մենե է՛ն խելոքն անզամ  
Երբ տեսներ Մահն որ պաշտոնին հըլու  
Կուգար սիրելին մենե խլելու,  
Թե Աստվա՛ծ ըլլար ան, թե Սատանա,  
Շան մը պես պիտի խեղդեր անխընա...

Է

Շա՛ն մը պես... ա՛խ, շատ չի պիտի ըլլար...  
Բաբե՛, կը հիշեն թե ինչպե՛ս կուլար,  
Ինչպե՛ս կը խածներ սնար ու սավան,  
Ինչպե՛ս կը կանչեր արևը վաղվան  
Որ ա՛լ չի պիտի գար երբեք իրեն,  
Ու ինչպե՛ս կ՛ուզեր խելահեղորեն  
Մարմինն անկողնեն քաշել անհրնա՛ր,  
Ու ինչպե՛ս պատեն մագիլ կը ջանա՛ր,  
Սարսափած աչքերն ուղղելով ինձի...  
«Ես եմ, բարեկա՛նդ, ավա՛ղ...» գոչեցի,  
Բայց ան աչքերու խրեց իր մատներ,  
Զի ես կ՛ապրեի, մինչ ինք կը մեռներ...  
Հասկըցա՛, ընկեր, լեզուդ վերջնագույն:  
Բայց մահեն փախչող վատ մ՛էի տժգույն,  
Զի Սերն իսկ սուտ է, մարդերը մա՛րդ են...  
Ու մեր երկունքին մեջ մա՛հն էր արդեն...

Ը

Ինչպես նետահար թռչուն մ՛որ հետին  
Ճիգերն իր կ՛ընե կառչելու օդին...  
Ծովամույնն ինչպես կը փարի վետվետ  
Խլյակի մը որ կ՛ընկղմի իր հետ...  
Ինչպես սարի հեք արծիվն հոգեվար  
Կը կառչի ժայռին որ չի սահի վա՛ր...  
Այնպես մատներու ճիգովը հետին  
Կ՛ուզեր բռնվիլ սնարին պատին...  
Անկողին գամված, փտիլ, ցավիլ, լալ,  
Դարերով, ի՛նչ լավ... Բայց մեռնի՛լ, չըլլա՛լ...  
Ահե՛ղ կը մղեր պայքարն անիրավ  
Երբ բերնեն արյան ուղիս մը գայն տարավ...  
Այդ շքեղ սրտեն, կյանքեն ի՞նչ մընաց.  
«Ե՛Ս» կ՛ըսե աճյունն, «Ե՛Ս» կ՛ըսե Աստված:  
Ու ե՛ս, իր գեղջուկ քարին վրա կուգամ



Հանգի գարնելու տաղերս անգգամ...

Թ

Դիտեցի գողտրիկ այդ վայրը բողբոջ,  
Ու ես ակամա խորհեցա դողդոջ  
Ծերուկ Դանթեի ահեղ դժոխքին,  
Ու հիմար վագրի մը մեջ մոլեգին,  
Այրող խավարին, փրփրող արյան մեջ,  
Երախնին բացած, անբարբա՛ռ, անվե՛րջ,  
Տժգույն հերոսներ պար կը դառնային...  
Խորհեցա նաև սեզ Սատանային,  
Ջոր Միլթոն, աչքով կույր, հոգով արթուն,  
Իշխա՛ն հոշակեց հաղթված Մարդուն,  
Որ երեքժանի ցուպով կգբոսներ  
Անհանգիստ ընել դատարկ գլուխներ...  
Չմոռցա նաև մտածել ահեղ  
Օրվան՝ երբ փողին ձայնեն խելահեղ,  
Կնախքներ երկի՛նք կը թռչին արդեն...  
Ինչ որ քիչ մը շատ խնդրել է մարդեն...

Ժ

Մարդուն տանջըված խղճմտանքը վա՛տ  
Ի՛նչ մղձավանջներ երկնեց հուսահատ,  
Ի՛նչ սաղայելյան ցավեր անհամար,  
Ի՛նչ եղեմ՝ մեր գարշ դիակին համար...  
Հո՛ն, ոչի՛նչ կա մութ, ոչի՛նչ կա դժնե:  
Ան դանդա՛ղ խմված պարապ գավաթն է,  
Առա՛նց քանդակի, առա՛նց սուտ գարդի,  
Առա՛նց նորագյուտ հնարքներու արդի,  
Որ տիտղոս, տարիք կ'անմահացրնեն...  
Վարդի թուփ մը հոն կ'իյնա ծարավեն...  
Ու եթե երբեմն ողբեր կ'ողողին  
Քարի մը տակեն. Ծե՛ր բուն է գյուղին...  
Թե արշալույսին ստվեր մը հաժի.

Իմաստասեր կո՛վ մ'է որ կ'արածի...  
Ու թե շիրիմներ պեղվին անընդհատ.  
Բորենի մըն է, կամ քերթող մը վատ...  
ԺԱ

... Ինկա ու մտիկ ըրի սգահար,  
Ձայնի մ'որ քարին ներքև կը դողար.  
Ե՛ս եմ, Ե՛ս եմ, Ե՛ս, քեզ եղբա՛յր, քեզ քո՛ւյր .  
Ե՛ս տիեզերքին հսկա ա՛չքը կո՛ւյր,  
Ե՛ս սկիզբը և վերջ, երա՛խ ու արգանդ,  
Ե՛ս վի՛հ անհատակ՝ ու ծոց արգավանդ.  
Ե՛ս ա՛յն եմ որ քեզ ծընավ, նաև ա՛յն  
Չոր պիտի ծընիս: Ե՛ս ձայն լռելյայն:  
Ե՛ս օրհնությունն եմ, բարիքը վերջին.  
Ե՛ս այն եմ որմե ամենք կը փախչին  
Եվ որմե փախչիլ չի՛ կա: Հավասա՛ր  
Ներո՛ւմն եմ անոր որ ինձ կը հուսար,  
Անո՛ր որ հեզնեց գիս առանց խղճի:  
Ամենո՛ւն ալ վըրա իմ մարգըս կ'աճի...  
Մանգաղս ո՞վ պիտի համբուրեր անա՛հ...  
Ինձ Աստված ըսին, իմ անունս է ՄԱ՛Հ . . .